

INDEX GEOGRAPHICUS.

Amthar. V. Remmon - Amthar.
Amhipolis, Paulus solutus ex carcere in Philippis, Act. Apost. 17.
v. 1. Amhipolim, Apolloniam, & Thessalonicam perambulavit. Urbes ex omnes sunt in Macedonia.

Ana, 4. Reg. 18. v. 34. Ubi est Deus Emath, & Arphad; ubi est Deus Sepharvaim, Ana, & Ava. 19. v. 13. Ubi est Rex Emath, & Rex Arphad, & Rex civitatis Sepharvaim, Ana, & Ava. Isaiæ 37. v. 17. Ubi est Rex Emath, & Rex Arphad, & Rex urbis Sepharvaim, Ana, & Ava. Ex quibus Emath, & Arphad, & Sepharvaim, & Ana, & Ava; aut Dii, aut potius Urbes five Civitates sunt; in quibus ejusdem nominis Dii colebantur. Ana mihi etiamnum hodie est Ana five Anna, ad Euphratem, & inter Mesopotamiam & Arabiam, ideoque Ava mihi etiam erit ad Euphratis & Tigridis ostia, ubi hodie Abadan. Sed & Sepharvaim & Urbes ex non longè sunt ab Emath, five Amath, & Arphad, quas describimus in Syria, ubi hodie Hama aut Emesa & Refasa.

Anab, sexta urbs describitur in sexta parte Tribus Judæ, Josue 15. v. 50. inter Dabir & Isthemo.

Anaharath ex sexdecim urbibus, quas Josue recenset in Tribu Issachar 19. v. 19. Hæc sexta describitur inter Seon & Rohob.

Anamin. Genes. 10. v. 13. Mesraim genuit Ludim, & Anamin, & Laabim, & Nephtuim, & Phetrusim, & Chasluim, de quibus egressi sunt Philistim, & Capthorim. Mihi Ludim erit Æthiopiæ pars ea, quæ supra Ægyptum. Anamin in Marmarica five Lybia exteriori, ubi Ammoniaca regio. Laabim ubi Lybia Cyrenaica. Nephtuim, & Phetrusim in Ægypto inferiori, & superiori. Chasluim & Capthorim in Maris rubri littore ab Ægypti finibus ad usque Terram Chanaan.

Anama, 2. Esdræ 11. v. 32. Urbs inter eas, quas Judæi habitaverunt post reditum è captivitate Babylonica.

Anathoth, Anathoth - Nob. Inter omnes urbes, quas Josue recenset in Tribu Benjamin 18. nulla est Anathoth, ea tamen inter Levitarum urbes describitur, Josue 21. v. 18. & 1. Paral. 6. v. 60. & quæ de Tribu Benjamin excerpta sit. Fuit ex ipsa Anathoth Achimelech Sacerdos, qui, quod Davidi cibum & gladium Goliath dedisset, à Doëg Saulis jussu occisus est; tum & hujus Urbis Sacerdotes, & viri, mulieresque omnes. Fuit Abiathar filius Achimelech, qui fuga elapsus Consiliarius fuit Davidis, & portavit Arcam Domini, & pro Davide sustinuit laborem in omnibus. Eum tamen Salomon ejecit è Sacerdotio, & ad agrum suum in Anathoth remisit, quod Adoniæ favere videretur. Fuit Jeremias Anathothites, ut ipse testatur cap. 1. Verba Jeremiæ filii Helciæ de Sacerdotibus, qui fuerunt in Anathoth, in Terra Benjamin. Fuere & inter eos, qui Davidem fugientem à Saül sequuti sunt Baracha, & Jehu Anathothitæ. Fuit & Abiëzer nonus inter duodecim principes, qui sub Davide singuli singulis mensibus præerant viginti quatuor hominum millibus. Cæterum apud Esdræ 2. c. 11. v. 32. Ubi Anathoth, Nob, divisim legitur; scribendum est Anathoth-Nob conjunctim. Nob etenim aut Nobe ipsissima est Anathoth, ut demonstratur ex Historia Achimelech, qui in Nobe morabatur, ad quem venit David, 1. Reg. 21. v. 1. Cumque Abiathar filius Achimelech ad agrum suum in Anathoth remitteretur, ager ille proculdubio fuerat antea ager Achimelech in Nobe. Sed & inter omnes Sacerdotum aut Levitarum urbes, quæ describuntur Josue 21. & 1. Paralip. 6. nulla est Nobe; nisi Nobe cum Anathoth concilietur. Nobe etenim, quæ antea Canath dicebatur, & quæ in Tribu Manasse trans Jordanem, ea ab hac nostra Nobe diversissima est, & ab Historia Saülis, & Davidis, & Achimelech alienissima, neque ipsa Levitis assignata est in Tribu Manasse.

Latit. Gr. Scr.	Longit. Gr. Scr.
--------------------	---------------------

32. 44.	67. 27. $\frac{1}{2}$
41. 50.	50. 15.

33. 15.	76. 20.
---------	---------

31. 12. $\frac{1}{2}$	66. 4.
-----------------------	--------

32. 32. $\frac{1}{2}$	67. 2. $\frac{1}{2}$
-----------------------	----------------------

26. 0.	58. 0.
--------	--------

31. 41.	66. 57.
---------	---------

31. 47.	66. 45.
---------	---------